

JABATAN PERKHIDMATAN VETERINAR MALAYSIA

LAPORAN LIPUTAN MEDIA

07 JANUARI 2021

1. Kerajaan galak ceburi ternakan rusa raih pulangan lumayan
2. Polis sudah rekod keterangan saksi
3. SPRM sedia sertai audit loji sembelih
4. JAKIM, 4 agensi perhalusi prosedur import bekalan
5. Akta berkaitan pensijilan halal akan dipinda
6. Netizen sedih Nana nangis cari kuda
7. Cemas kuda peliharaan dihanyut banjir

OLEH:

**SEKSYEN KOMUNIKASI KORPORAT
BAHAGIAN PERANCANGAN STRATEGIK DAN PENILAIAN VETERINAR
JABATAN PERKHIDMATAN VETERINAR MALAYS**

Kerajaan galak ceburi ternakan rusa raih pulangan lumayan

Lenggong: Kerajaan menggalakkan penyertaan koperasi, usahawan serta petani dalam aktiviti penternakan rusa secara berkumpulan selepas melihat kebolehpasaran jualan daging haiwan itu susulan permintaannya yang tinggi.

Timbalan Menteri Pertanian dan Industri Makanan I, Datuk Seri Ahmad Hamzah, berkata industri ternakan haiwan itu dilihat berpotensi berkembang pesat jika penyertaan membabitkan penternakan secara berkumpulan berbanding ternakan kecilan secara sendiri.

Katanya, industri itu mampu setaraf dengan tanaman getah dan kelapa sawit di negara ini yang masing-masing pernah menjadi pengeluaran utama.

"Berikutan daging rusa dianggap sebagai makanan eksotik yang harga dagingnya mencecah RM60 sekilogram, sudah tentu pasarannya juga cukup baik.

"Seperti dahulunya, pokok getah ditanam besar-besaran di Malaysia, walaupun tumbuhan itu berasal dari hutan Amazon, Brazil.

"Begitu juga tanaman kelapa sawit berasal dari negara India yang mana kini Malaysia adalah antara pengeluaran utama hasil itu.

"Jadi tidak mustahil kita juga mampu membangunkan industri ternakan rusa ini biarpun baka asal rusa pada asalnya dari negara luar," katanya pada sidang media sempena lawatan rasminya ke Projek Ternakan Rusa Negeri Perak di Kampung Luat, di sini, semalam.

Yang turut hadir Ketua Pengarah Perkhidmatan Veterinar, Datuk Dr Norlizan Mohd Noor dan Pengarah Jabatan Perkhidmatan Veterinar (JPV) Perak, Dr Ahmad Shafri Hassan.

Ahmad berkata, Perak adalah pengeluaran tertinggi ternakan rusa di Malaysia, membabitkan kira-kira 5,000 daripada anggaran keseluruhan lebih 15,000 rusa ternak di negara ini.

Beliau berkata, kejayaan itu disumbang melalui model ternakan secara berkelompok, iaitu dengan memanfaatkan rizab padang ragut milik JPV Perak, selain skim khas bagi penternakan rusa yang hanya ada di Perak.

"Daripada 5,000 rusa di Perak, sebahagian besar, iaitu hampir 35 peratus adalah rusa yang diternak di padang ragut milik JPV membabitkan rusa jenis *Cervus timorensis*," katanya.

Sementara itu, Dr Ahmad Shafri berkata, penyertaan 11 ahli dalam penternakan rusa membabitkan keluasan 26.3 hektar di Kampung Luat membolehkan ahlinya memperoleh RM600 sebulan.

Isu kartel daging import

Polis sudah rekod keterangan saksi

Bukit Aman buka kertas siasatan, kes giat disiasat

Oleh Faris Fuad
faris.fuad@bh.com.my

Kuala Lumpur: Bukit Aman sudah merekodkan keterangan beberapa saksi bagi membantu siasatan kes penyeludupan daging import yang didakwa dikuasai kartel dan membabitkan pemalsuan logo di negara ini.

Timbalan Ketua Polis Negara, Datuk Seri Acryl Sani Abdullah Sani, berkata Unit Siasatan Jenayah Terkelas (USJT) Jabatan Siasatan Jenayah (JSJ) Bukit Aman masih menjalankan siasatan rapi terhadap kes terbabit.

Beliau berkata, ketika ini, pasukan itu perlu diberi ruang dan masa bagi melengkapkan kertas siasatan berkenaan.

"Kertas siasatan sudah dibuka dan kes kartel daging itu sedang giat disiasat.


"Kita sedang mengumpul bukti, maklumat dan dokumen berkaitan sebelum mengambil tindakan seterusnya.

"Macam biasa seperti diprak-

tikkan sebelum ini, perkembangan lanjut akan diumumkan Pengarah JSJ Bukit Aman, Datuk Huzir Mohamed, menerusi kenyataan media," katanya kepada *BH*, semalam.

Sebelum ini, media melaporkan polis menerima sebanyak 13 laporan daripada orang awam yang rata-ratanya menzahirkan kekusaran berhubung isu terbabit yang didedahkan media tempatan.

Huzir dilaporkan berkata, kes itu disiasat mengikut Seksyen 505(b) Kanun Keseksan kerana menyebabkan ketakutan dan kegenteran dalam kalangan orang awam.



Kita sedang mengumpul bukti, maklumat dan dokumen berkaitan sebelum mengambil tindakan seterusnya.

Acryl Sani Abdullah Sani, Timbalan Ketua Polis Negara

SPRM sedia sertai audit loji sembelihan

Kuala Lumpur: Suruhanjaya Pencegahan Rasuah Malaysia (SPRM) menyifatkan cadangan pembabitkan wakilnya dalam audit terhadap loji penyembelihan yang membekalkan daging import ke negara ini, boleh dipertimbangkan.

Ketua Pesuruhjaya SPRM, Datuk Seri Azam Baki, berkata cadangan itu boleh dipertimbangkan jika ia menjadi keperluan bagi membantu siasatan yang dijalankan pihaknya.

"Isu ini dalam siasatan, sebarang keputusan sama ada SPRM perlu terbahit dalam audit loji luar negara atau tidak, boleh dipertimbangkan."

"Asalkan ia adalah keperluan bagi membantu siasatan," katanya ketika dihubungi BH, di sini semalam.

Beliau mengulas kenyataan bekas Menteri Pertanian dan Industri Asas Tani, Datuk Seri Salahuddin Ayub, yang mengaku pernah cuba menambah baik prosedur audit loji penyembelihan di luar negara ketika pentadbiran kerajaan Pakatan Harapan (PH).

Salahuddin dilaporkan berkata, antara cadangan itu ialah wakil SPRM perlu dibabitkan dalam audit yang dilaksanakan terhadap loji penyembelihan sebelum diiktiraf layak memproses bekalan daging import ke Malaysia.

Katanya, wakil pertubuhan bukaan kerajaan (NGO) yang terbahit dalam industri halal di negara ini juga perlu dibabitkan dalam audit berkenaan sebagai paman- tau.

Azam berkata, SPRM masih menyiasat kes kartel yang didakwa mendalangi penyeludupan da-



Isu ini dalam siasatan, sebarang keputusan sama ada SPRM perlu terbahit dalam audit loji luar negara atau tidak, boleh dipertimbangkan.

Azam Baki,
Ketua Pesuruhjaya SPRM

ging sejuk beku ke Malaysia, termasuk penahanan beberapa individu.

Beliau berkata, dalam memastikan isu itu mampu ditangani, adalah amat penting bagi semua pihak supaya bekerjasama dengan SPRM dengan telus.

"Semua pihak kena bekerjasama dengan SPRM dan telus. Setakat ini, kerjasama yang diberikan setakat ini adalah baik," katanya.

Sementara itu, Presiden Gagasan Baru Harapan Malaysia (GBHM), Mohd Zulfetri Mohd Basir, berkata pembabitkan NGO dalam pengauditan loji penyembelihan mampu menjadi 'semak dan imbang' kepada agensi kerajaan.

Beliau berkata, ia mampu menjadikan prosedur itu lebih menyeluruh pemeriksaannya, sekali gus mengurangkan sebarang risiko terhadap rasuah atau penyalahgunaan kuasa.

"Kita mahu adanya semak dan

imbang ini bagi 'mengurangkan' kuasa mutlak daripada agensi tertentu yang mungkin boleh membuka ruang terhadap sebarang korupsi sepanjang prosedur.

"Ini adalah penting, seperti mana yang kita tahu, syarikat yang ditahan SPRM membabitkan isu ini mempunyai pendapatan sebanyak RM100 juta pada 2018. Ini bermakna banyak bekalan daging import yang sudah dibawa ke negara ini," katanya.

Pada masa sama, Mohd Zulfetri mencadangkan kerajaan melaksanakan teknologi rantai blok (block chain) dalam sistem kerana ia lebih telus tanpa membuka ruang terhadap sebarang manipulasi.

"Sudah tiba masanya kerajaan mengamalkan sistem terbuka kepada rakyatnya. Negara seperti Vietnam dan Indonesia, sudah menerokai bidang ini bagi meningkatkan keyakinan pelabur," katanya.

SPRM perlu dalam audit loji sembelih

Kuala Lumpur: Wakil Suruhanjaya Pencegahan Rasuah Malaysia (SPRM) perlu dibabitkan dalam audit yang dilaksanakan terhadap loji penyembelihan sebelum diiktiraf layak memproses bekalan daging import ke Malaysia.

Beliau itu, wakil Suruhanjaya Pencegahan Rasuah Malaysia (SPRM) yang berkhidmat di Kementerian Pertanian dan Industri Asas Tani (MOA). Beliau berkata, beliau pernah cuba menambah baik prosedur audit loji penyembelihan di luar negara ketika pentadbiran kerajaan Pakatan Harapan (PH).

Beliau berkata, antara cadangan itu ialah wakil SPRM perlu dibabitkan dalam audit yang dilaksanakan terhadap loji penyembelihan sebelum diiktiraf layak memproses bekalan daging import ke Malaysia.

Katanya, wakil pertubuhan bukaan kerajaan (NGO) yang terbahit dalam industri halal di negara ini juga perlu dibabitkan dalam audit berkenaan sebagai paman- tau.

Azam berkata, SPRM masih menyiasat kes kartel yang didakwa mendalangi penyeludupan da-

ging sejuk beku ke Malaysia, termasuk penahanan beberapa individu.

Beliau berkata, dalam memastikan isu itu mampu ditangani, adalah amat penting bagi semua pihak supaya bekerjasama dengan SPRM dengan telus.

"Semua pihak kena bekerjasama dengan SPRM dan telus. Setakat ini, kerjasama yang diberikan setakat ini adalah baik," katanya.

Sementara itu, Presiden Gagasan Baru Harapan Malaysia (GBHM), Mohd Zulfetri Mohd Basir, berkata pembabitkan NGO dalam pengauditan loji penyembelihan mampu menjadi 'semak dan imbang' kepada agensi kerajaan.

Beliau berkata, ia mampu menjadikan prosedur itu lebih menyeluruh pemeriksaannya, sekali gus mengurangkan sebarang risiko terhadap rasuah atau penyalahgunaan kuasa.

"Kita mahu adanya semak dan

Keratan akhbar BH, semalam.

Isu kartel daging import

JAKIM, 4 agensi perhalusi prosedur import bekalan

Semua cadangan dikemukakan pelbagai pihak akan diteliti

Oleh Suzalina Halid
suzalina@bh.com.my

Kuala Lumpur: Jabatan Kemajuan Islam Malaysia (JAKIM) bersama empat agensi berkaitan prosedur import bekalan daging ke negara ini, bersetuju memperhalusi semua cadangan dikemukakan pelbagai pihak, selaras fungsi masing-masing dalam proses itu.

Selain JAKIM, empat yang terbahit adalah Jabatan Perkhidmatan Veterinar (JPV), Kementerian Perdagangan Dalam Negeri Dan Hal Ehwal Pengguna (KPDNHEP), Jabatan Perkhidmatan Kuarantin dan Pemeriksaan Malaysia (MAQIS) serta Jabatan Kastam Diraja Malaysia (JKDM).

Ketua Unit Komunikasi Korporat JAKIM, Zakaria Othman, berkata antara aspek yang diperha-

lusi ialah penyelarasan tindakan berdasarkan fungsi yang ada pada agensi masing-masing.

Beliau berkata, kesepakatan itu dicapai dalam Mesyuarat Penyelarasan Pelan Tindakan Bersepadu Menangani Isu Pemalsuan Logo Halal Daging Seludup yang diadakan kelmarin.

"Mesyuarat itu dipengerusikan Timbalan Ketua Pengarah (Operasi) yang menjalankan tugas Ketua Pengarah JAKIM, Datuk Abdul Aziz Jusoh.

"Pertemuan itu turut dihadiri Ketua Pengarah JPV, Datuk Dr Norliza Mohd Noor, selain wakil KPDNHEP, MAQIS dan JKDM.

"Pada mesyuarat itu, JAKIM dan agensi berkaitan mengambil ketetapan bersetuju memperhalusi semua cadangan dikemukakan selaras dengan fungsi agensi masing-masing," katanya.

Sebelum ini, *BH* melaporkan kewujudan syarikat kartel yang bertindak menyeludup bekalan daging sejuk beku import yang diragui status halal dan kualitinya secara menyogok pegawai agensi tertentu di pintu masuk negara.

Pada masa sama, Zakaria berkata, antara isu disentuh ialah

membabitkan bidang kuasa, langkah yang perlu diambil dalam menangani isu ini serta pelan tindakan bersepadu pengimportan daging dan produk daging.

Selain perbincangan membabitkan lima agensi itu, Bahagian Pengurusan Halal dan Sekretariat Majlis Halal Malaysia, JAKIM dalam kenyataan berasingan sebelum ini, berkata mereka akan mengadakan Perbincangan Meja Bulat (RTD) dengan pengimport, pengedar daging serta produk daging di negara ini.

Ia adalah bagi membincangkan isu atau masalah dihadapi pengimport dan pengedar, selain memberi penjelasan mengenai keperluan mematuhi prosedur operasi standard (SOP) pengimportan dan pengedaran.

Selain itu, menggalakkan permohonan Sijil Pengesahan Halal Malaysia (SPHM) melalui skim Logistik (Pergudangan) dan menyaratkan pemegang SPHM mendapatkan bekalan daging daripada pengimport atau pengedar yang dipersijilkan halal di bawah skim itu.

Bahagian berkenaan juga akan mempromosi 84 badan pensijilan

dan logo halal luar negara yang diiktiraf JAKIM membabitkan 46 negara, seterusnya membolehkan pengguna mengenal pasti logo halal luar negara yang diiktiraf JAKIM pada label bungkusan produk import dalam pasaran.

Langkah itu juga memudahkan pengimport mudah mengenal pasti produk yang ingin diimport ke Malaysia agar mempunyai sijil halal yang diiktiraf bagi mengelakkan kerugian dan keraguan.

Selain itu, rakyat Malaysia yang melancong ke luar negara boleh menjadikan logo halal yang diiktiraf JAKIM sebagai rujukan dan panduan dalam memperoleh produk atau premis makanan yang dipersijilkan halal di negara berkenaan.

Bahagian itu juga merancang meningkatkan aktiviti pemeriksaan terhadap pemegang SPHM dengan mengadakan lawatan pemantauan kepada pengimport daging, pemegang SPHM dan rumah sembelih.

Selain itu, usaha menambah baik SOP pengiktirafan badan pensijilan halal luar negara sedia ada yang antara lain dibuat dengan pengelasan dari segi ke-



Pada mesyuarat itu, JAKIM dan agensi berkaitan mengambil ketetapan bersetuju memperhalusi semua cadangan dikemukakan selaras dengan fungsi agensi masing-masing.

Zakaria Othman,
Ketua Unit Komunikasi Korporat JAKIM

pakaran seperti skim kosmetik, farmaseutikal, makanan, minuman dan sebagainya.

Ia akan akan memperkemas sistem aplikasi pengesanan produk yang dipersijilkan halal oleh badan pensijilan halal luar negara yang diiktiraf JAKIM, selain mengkaji semula permohonan baharu, pembaharuan dan penarikan pengiktirafan.

Akta berkaitan pensijilan halal akan dipinda

Slim River: Kerajaan akan meminda akta berkaitan pensijilan halal bagi mengelakkan berlaku pertindihan, selain memperkemas undang-undang sedia ada.

Menteri di Jabatan Perdana Menteri, Datuk Seri Dr Zulkifli Mohamad Al Bakri, berkata pihak berkuasa juga akan melaksanakan pendigitalan kod bar produk makanan halal.

"Ada beberapa tindakan yang akan kita lihat dengan lebih berkesan dan kita sedang membuat satu mekanisme atau persediaan ke arah itu," katanya.

Beliau ditemui media selepas menyampaikan sumbangan kepada mangsa banjir sekitar Slim River, di Sekolah Kebangsaan (SK) Kuala Slim, di sini semalam.

Yang turut hadir, Ahli Dewan Undangan Negeri (ADUN) Slim, Mohd Zaidi Aziz; Ketua Polis Daerah Muallim, Superintendan Sulizmie Affendy Sulaiman dan Pegawai Angkatan Pertahanan Awam Malaysia (APM) Daerah Muallim, Kapten (PA) Shahrizal Hussin.

Zulkifli berkata, pihaknya juga sedang mengenal pasti mekanisme bagi mengelakkan berlaku sa-

lah guna halal.

Dalam perkembangan berasingan, Zulkifli menyambut baik saranan supaya wakil Suruhanjaya Pencegahan Rasuah Malaysia (SPRM) menyertai audit terhadap loji penyembelihan di luar negara sebelum layak memproses bekalan daging import ke Malaysia.

"Sejak enam bulan lalu, pegawai SPRM sudah bersama kami di Jabatan Perdana Menteri.

"Insha Allah menerusi hubungan baik kita dengan SPRM ini, mungkin boleh diertatkan lagi mengikut kesesuaian terhadap pelaksanaan isu-isu berkaitan dengan rasuah dan salah guna kuasa," katanya.

Beliau mengulas kenyataan bekas Menteri Pertanian dan Industri Asas Tani, Datuk Seri Salahuddin Ayub, yang dilaporkan berkata, beliau pernah cuba menambah baik prosedur audit loji penyembelihan di luar negara yang menghasilkan daging sejuk beku ke negara ini, ketika pentadbiran kerajaan Pakatan Harapan (PH).

Salahuddin berkata, antara usaha penambahbaikan yang dirancangnya di bawah kementerian



Zulkifli menyampaikan sumbangan kepada mangsa banjir di SK Kuala Slim, semalam.

(Foto Rosman Shamsudin)

ialah membawa wakil SPRM ketika proses audit loji penyembelihan di luar negara, tetapi tidak sempat dilaksanakan susulan kejatuhan pentadbiran kerajaan PH.

Zulkifli menyifatkan cadangan supaya wakil SPRM dibabitkan dalam audit terhadap loji penyembelihan sebelum layak memproses bekalan daging import ke Malaysia, adalah cukup baik.

Katanya, beliau sentiasa terbuka kepada cadangan daripada mana-mana pihak dalam usaha menambah baik proses yang boleh membawa kebaikan kepada seluruh rakyat negara ini.

Netizen sedih Nana nangis cari kuda

Oleh AHMAD SHAHERMAN SHAMSURI

PETALING JAYA - Kisah kehilangan dua ekor kuda milik seorang wanita di Kampung Dong, Raub, Pahang semalam mendapat perhatian netizen selepas dia memuat naik video kejadian itu kelmarin.

Video berdurasi satu minit 10 saat yang dimuat naik, Nur Farhana Abdul Muin, 33, di Facebooknya memaparkan dia merayu agar penduduk kampung dan orang ramai membantu mencari dua ekor kudanya yang hilang sejak Sabtu lalu.

Menerusi video tersebut, Nur Farhana atau lebih mesra dipanggil Nana kelihatan menangis teresak-esak kerana dua ekor kudanya yang diberi nama Blicka (ibu kuda) dan Blichoe (anak kuda) hilang dipercayai dibawa arus banjir.

Menurut Nana, hasil pencariannya bersama rakan dan penduduk kampung, akhirnya kuda kesayangannya itu ditemui kira-kira pukul 4.40 petang kelmarin.

Dia bersyukur kerana kedua-dua ekor kuda kesayangannya itu telah ditemui, namun apa yang menyedihkan salah seekor daripadanya telah mati.

"Kuda yang mati itu adalah anak kuda kesayangan saya berwarna coklat kerana warnanya menyerupai ibunya. Blichoe ditemui penduduk kampung kira-kira 500 meter dari kandang yang terletak berhampiran rumah saya.

"Ibu kuda pula ditemui kira-kira dua kilometer dari kandang dan ketika ditemui ia dalam



NANA memeluk kegembiraan kudanya, Blicka yang hilang sejak empat hari dan dijumpai di Kampung Dong, Raub kelmarin.



TANGKAP layar video Nana merayu orang ramai cari kudanya.

keadaan lemah dan kurus. Meskipun kehilangan Blichoe, saya bersyukur kerana Blicka ditemui selamat," katanya ketika dihubungi

Kosmo! di sini semalam.

Nana berkata, dia amat menyayangi anak kuda berwarna coklat itu kerana warnanya yang menyerupai warna ibu kuda yang ditemui selamat itu.

"Dua ekor lagi anak kuda berwarna putih menyerupai bapa mereka. Kini kuda peliharaan saya tinggal empat ekor termasuk Blicka yang telah ditemui semula," jelasnya.

Sementara itu, video di Facebook Nana (Nana B Cats) itu telah ditonton lebih 11,000 tontonan dan dikongsi lebih 120 kali sejak dimuat naik kelmarin.

Rata-rata netizen berkongsi kisah sedih wanita itu dengan rakan dan ahli keluarga lain serta turut berdoa agar banjir di kawasan Nana dan Pahang kembali pulih.

Kuala Lumpur: "Tujuh tahun Blicka (kuda peliharaan) bersama saya. Ketika itu, Blicka masih kecil dan perasaan kehilangannya ketika banjir tempoh hari sukar dilupakan," kata Nur Farhana Abdul Mubin, 33.

Nur Farhana berkata, kehilangan dua daripada lima kuda peliharaannya iaitu Blicka dan anaknya, Blichoe yang baru berusia setahun itu disebabkan banjir yang melanda kawasan kediamannya di Kampung Durian Sebatang, Dong, Raub, Pahang, 2 Januari lalu.

Selepas tiga hari kehilangannya, atas pertolongan penduduk dan ahli kelab kuda yang disertai, Blicka dijumpai kira-kira dua kilometer dari kandangnya yang terletak di tebing sungai, jam 4 petang kelmarin.

Namun, Nur Farhana berkata, sebelum menemui Blicka, dia dan penduduk kampung terlebih dahulu menjumpai bangkai Blichoe.

"Blicka sangat menjaga

anak-anaknya dan mungkin pada waktu kejadian, dia cuba menyelamatkan anaknya dan turut dibawa arus.

"Saya tahu nyawa manusia lebih penting ketika bencana banjir ini dan kerana itu, saya tidak tahu mahu meminta bantuan kepada siapa.

"Syukur ada pihak membantu walaupun mereka ditimpa musibah"
Nur Farhana

"Syukur ada pihak membantu saya walaupun mereka masing-masing ditimpa musibah dengan kemusnahan harta benda termasuk ternakan," katanya dihubungi Harian Metro, semalam.

Nur Farhana yang juga pemilik kedai haiwan peliharaan berkata, sepanjang tiga hari kehilangan kudanya itu, dia tetap mengikuti pertubuhan bukan kerajaan (NGO) Amal Team membantu mangsa banjir sekitar Raub yang terkesan.

"Penderitaan yang saya alami tidak seteruk mereka yang kehilangan tempat tinggal apatah lagi ada yang kehilangan insan tersayang.

"Kerana itu, saya tidak

mahu menyusahkan sesiapa dalam misi pencarian itu dan sangat berterima kasih atas jasa mereka yang sukarela membantu," katanya. Menurutnya, ketika banjir melanda, dia, suami dan dua anak mereka tiada di rumah atas urusan kerja di Putrajaya.

"Ketika detik cemas itu, pembantu penjaga haiwan

peliharaan saya memberitahu situasi yang berlaku pada sekitar jam 11 malam.

"Mereka sangkakan kelima-lima kuda berada dalam kandang dan hanya sempat menyelamatkan rakun sebesar 20 kilogram yang berada dalam sangkar," katanya.

Menurut Nur Farhana, sepanjang malam itu, dia tidak dapat melelapkan mata dan

sebaik jalan dibuka, mereka sekeluarga bergegas pulang.

"Banjir yang separas 1.5 meter kali ini memang teruk sehingga menyebabkan kemusnahan pelbagai harta benda termasuk kandang kuda saya," katanya.

Menurutnya, dia turut kehilangan seekor kucing, itik dan ayam ternakan selain hampir semua barangan da-

lam rumah rosak.

Terdahulu, Nur Farhana memuat naik video merayu orang ramai membantunya dalam usaha mengesan dua kuda kesayangan yang hilang akibat banjir di Facebooknya.

Perkongsian itu mendapat perhatian ramai malah ada yang sanggup datang dari Kelantan untuk membantunya.



NUR Farhana memeluk kudanya yang dijumpai kembali selepas hilang akibat dibawa arus banjir.